



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
ADMINISTRATIVNA KOMISIJA
Broj: 01/7-011-4/03
Sarajevo, 09. 01.2003. godine

ZAPISNIK

druge sjednice Administrativne komisije Predstavničkog doma Parlamentarne skupštine BiH.

Druga sjednica Administrativne komisije Predstavničkog doma Parlamentarne skupštine BiH je održana 03.01.2003. godine, u trajanju od 18,30 do 19,20 sati, u zgradi institucija BiH.

Sjednicom je predsjedavao predsjedavajući Komisije Izet Žigić .

Sjednici su pored predsjedavajućeg prisustvovali članovi Komisije: Šefik Džaferović, Mirko Blagojević, Hazim Felić, Niko Lozančić, Vinko Zorić, Momčilo Novaković, Jozo Križanović. Sjednici Komisije nije prisustvovao Nikola Kragulj .

Sjednici su prisustvovali Vedran Hadžović, sekretar Zajedničke službe, Branka Todorović, sekretar Predstavničkog doma, Mirjana Crnjak, šef Opšte službe i Dragica Hinić, stručni saradnik u radnim komisijama, Parlamentarne skupštine BiH.

Za sjednicu je predložen slijedeći

DNEVNI RED:

1. Usvajanje zapisnika 1. sjednice Administrativne komisije;
2. Izbor prvog i drugog zamjenika predsjedavajućeg Administrativne komisije Predstavničkog doma Parlamentarne skupštine BiH;
3. Provođenje Zaključka Predstavničkog doma PS BiH o utvrđivanju kriterija za profesionalizaciju poslanika;
4. Provođenje Odluke o pravima poslanika i delegata na stalnom radu u Parlamentarnoj skupštini BiH nakon 05.10.2002. godine;
5. Razno.

Na početku sjednice predsjedavajući Komisije g-din Izet Žigić je predložio dopunu dnevnog reda, tako da se pod tačkom 2. razmatra izbor prvog i drugog zamjenika predsjedavajućeg Komisije, saglasno zaključku sa 1. sjednice ove Komisije. Ostale tačke dnevnog reda bi bile pomjerene saglasno ovoj dopuni.

Članovi Komisije su potom jednoglasno prihvatili predloženu dopunu dnevnog reda, kao i dnevni red u cjelini.

Ad.1.

Zapisnik sa 1. sjednice Administrativne komisije članovi komisije su usvojili jednoglasno bez primjedbi.

Ad.2.

Saglasno dopuni dnevnog reda, za prvog zamjenika predsjedavajućeg iz reda hrvatskog naroda predložen je g-din Vinko Zorić. Prisutni predstavnici srpskog naroda u ovoj Komisiji, g-da Momčilo Novaković i Mirko Blagojević, su predložili da se naknadno dogovore o izboru drugog zamjenika predsjedavajućeg koji se bira iz reda srpskog naroda, s obzirom da na sjednici Komisije nije prisutan g-din Nikola Kragulj.

Potom su članovi Komisije jednoglasno izabrali g-dina Vinka Zorića za prvog zamjenika predsjedavajućeg Komisije, te prihvatili i dali načelnu saglasnost na prijedlog o dogovoru srpskih predstavnika u ovoj Komisije za izbor drugog zamjenika predsjedavajućeg Komisije iz reda srpskog naroda.

Ad.3.

Predsjedavajući Komisije g-din Izet Žigić je na početku izložio svoje mišljenje vezano za pitanje profesionalizacije poslanika po kome svakom poslaniku treba omogućiti profesionalizaciju ukoliko to želi, čime bi se svi poslanici doveli u ravnopravan položaj. Saglasno tome, predložio je da Zajednička služba Parlamentarne skupštine BiH uputi dopis poslanicima u kome će naglasiti sva njihova prava i obaveze vezane za profesionalizaciju, sa zahtjevom da se pismeno izjasne o svom statusu do 20.01.2003. godine. Izjašnjenje bi se odnosilo i na poslanike koji su već profesionalizirali svoj status u Parlamentarnoj skupštini BiH, kao i one koji to pravo sada žele ostvariti. Predložio je i da se uputi dopis Vijeću ministara BiH kako bi se znala raspoloživa sredstva za isplate u ove svrhe, te omogućila preraspodjela sredstava Budžeta institucija BiH radi izmirenja potrebnih isplata poslanicima. Po izlaganju imenovanog je otvorena diskusija u kojoj su učestvovali Šefik Džaferović, Vedran Hadžović, Niko Lozančić, Vinko Zorić, Jozo križanović i Izet Žigić.

G-din Džaferović je saglasan sa mišljenjem o mogućnosti profesionalizacije svih poslanika koji to žele uz njihovu obavezu da izjavom potvrde status.

G-din Hadžović je u svojoj diskusiji istakao određena pitanja vezana za ovu problematiku. Naglasio je da je pitanje profesionalizacije rada poslanika pitanje radno-pravnog statusa i kao takvo se mora kretati u okviru zakonske regulative. Saglasno tome, svaki poslanik koji želi ostvariti ovaj status mora donijeti zaključenu radnu knjižicu. Tako bi poslanici iz ranijeg saziva koji su i u novom sazivu, trebali primati i dalje plate i druge naknade po ovom osnovu, dok bi svi drugi to pravo mogli ostvarivati tek po donošenju zaključene radne knjižice. Takođe je istakao pitanje plaćanja naknada za odvojeni život, s obzirom da Administrativna komisija mora uvijek donijeti konkretnu odluku po svakom zahtjevu. Ovakve isplate su dodatno opterećenje Budžetu, te je shodno tome potrebno utvrditi kriterije za isplatu istih. Naglasio je da je Budžet Parlamentarne skupštine BiH za tekuću godinu niži od prethodnog, jer zahtjev Parlamenta nije uvažen od strane Vijeća ministara BiH, čime smo objektivno oštećeni. Saglasno tome, predložio je da se uputi pismo Vijeću ministara BiH sa zahtjevom da se iz tekućih rezervi Budžeta institucija BiH osiguraju sredstva za plate i druge namjene poslanicima. Po njegovom mišljenju potrebno je djelovati u pravcu izrade Zakona o platama i naknadama poslanika, kako bi u buduće bilo što manje nejasnoća.

G-din Niko Lozančić je predložio da se poslanicima koji su već profesionalizirani, taj status produži do konačne odluke. Saglasio se takođe, o potrebi upućivanja svim poslanicima cirkularnog pisma u kome bi bila navedena njihova prava uz obavezu njihovog odgovora do kraja ovog mjeseca. Takođe smatra, da bi bilo dobro predmetno pitanje regulisati donošenjem odgovarajućeg zakonskog akta. Postavio je i pitanje momenta od kada bi tekla prava poslanicima koji žele profesionalizovati svoj status i predložio da to bude od trenutka potvrde mandata kako bi bili svi u istom položaju.

G-din Hadžović je potom informisao članove da su profesionalizovani poslanici već dobili platu za mjesec decembar 2002. godine i da se ova prava ne bi mogla ostvarivati retroaktivno, jer su sredstva za ove namjene već izdvojena iz trezora.

G-din Džaferović je potom istakao da će insistirati na zakonitosti postupka profesionalizacije poslanika uz obavezu svih da donesu zaključene radne knjižice.

G-din Jozo Križanović je insistirao da se ovaj proces profesionalizacije okonča do kraja tekućeg mjeseca vodeći računa o ograničenjima koja proizilaze iz Zakona o sukobu interesa.

Nakon okončane diskusije članovi Komisije su jednoglasno usvojili zaključke:

a) Zajednička služba će uputiti dopis svim poslanicima sa zahtjevom za njihovim izjašnjenjem o tome da li žele profesionalizovati svoj status u Parlamentarnoj skupštini BiH.

U navedenom dopisu će biti navedena sva prava, mogućnosti i obaveze poslanika koja proizilaze iz tog statusa, navodeći zakonska ograničenja utvrđena Zakonom o sukobu interesa. Svim poslanicima koji su već profesionalizirali svoj status, treba omogućiti produženje statusa uz njihovu izjavu o tome.

Poslanici će biti u obavezi dostaviti svoje izjašnjenje po ovom dopisu do 20.01.2003.

Sjednica Komisije će se održati do kraja mjeseca nezavisno od održavanja sjednice Doma i na istoj će biti razmatran cjelokupan pristigli materijal koji je potrebno proučiti radi donošenja kvalitetnih odluka.

b) Potrebno je uputiti dopis Vijeću ministara BiH, koji će potpisati predsjedavajući ove Komisije i predsjedavajući Predstavničkog doma, sa zahtjevom za dostavu informacija o raspoloživim sredstvima Budžeta za 2003. godinu, te zahtjevom da se iz budžetskih sredstava institucija BiH za tekuću godinu izdvoje potrebna sredstva za plate i ostale naknade Parlamentarnoj skupštini BiH.

Ad.4.

Predsjedavajući Komisije, g-din Žigić je istakao da je pristigli materijal za razmatranje jako obiman, te da se o njemu ne bi moglo kvalitetno izjašnjavati dok se članovi Komisije po istom ne upoznaju.

G-din Hadžović je dalje informisao članove Komisije o postojanju pojedinačnih zahtjeva i prigovora poslanika ovoj Komisiji o kojim treba što prije odlučiti, kako bi se istim zaključile radne knjižice vodeći računa o zakonom utvrđenim rokovima.

G-din Džaferović je potom istakao da će se za rješavanje nekih pitanja mora sačekati formiranje Komisije za administrativno-finansijske poslove Doma naroda sa kojom ova Komisija mora tijesno sarađivati. Saglasio se sa mišljenjem predsjedavajućeg Komisije da je materijal za ovu sjednicu Komisije je preobiman i isti je potrebno podrobno proučiti kako bi se mogle donijeti kvalitetne odluke. Za razmatranje istog je potrebno zakazati posebnu sjednicu Komisije koja bi održala nezavisno od sjednice Doma.

Nakon okončane diskusije članovi Komisije su jednoglasno ponovo potvrdili zaključak o održavanju posebne sjednice Komisije nezavisno od održavanja sjednice Doma i to do kraja tekućeg mjeseca na kojoj će biti razmotren prispjeli materijal i donesene odgovarajuće odluke.

Zapisnik sačinila

Dragica Hinić

Drugi zamjenik predsjedavajućeg
Administrativne komisije

Nikola Kragulj